


# Bibiliya y'Abana

## Ishikirije



# Ukuvuka Kw'ishengero



Yanditswe na: Edward Hughes

Amashusho ashirwamwo na:  
Janie Forest; Alastair Paterson

Itunganywa na: Ruth Klassen


Isobanurwa mu Kirundi na:  
Manurakoze Pacifique

Yateguwe na: Biblefor Children  
[www.M1914.org](http://www.M1914.org)

©2023 Bible for Children, Inc.

Uburenganzira: Murafise uburenganzira bwo kwimura canke  
gusohora ku mpapuro iyi nkuru mugihé gusa mutayigurisha.





Yesu amaze gupfa, abagendanye nawe  
vyabaye ngombwa ko baca baja kwinyegeza.  
Amaze kuzuka yiyeraka abigishwa biwe.  
Yesu yari muzima! Ariko yariko ategura  
gutandukana nabo, kugira asubire mw'ijuru  
aho yari yarabanye n'Imana, se wiwe.





Imbere yo  
gutandukana  
nabo, Yesu  
yabasezeraniye  
isezerano ko azobarungikira  
Mpwemu yera, kugira ngo  
abaremeshe kandi abakomeze.


(Yohana 15:26). Igihe cari cegereje. Inyuma y'igihe  
gito Yesu atandukana nabo, Mpwemu yera araza.



Ng'ibi ivyabaye. Abigishwa ba Yesu nk'120 bari bakoraniye munzu bariko barasenga. Ubwo nyene haca hava mw'ijuru igihuhuta nk'umuyaga mwishi.




Indimi, zisa n'indimi z'imbeya z'umuriro zibonekeza  
kuri umwe wese. Bose baca buzuzwa Mpwemu  
yera-neza na neza uko Yesu yari yarabasezeraniye!



Baca baja mumabarabara, abigishwa ba Yesu bavuga indimi batigeze biga. Abanyamahanga bagendera i yerusalemu babumva bavuga mundimi nyishi bavuga ibikorwa bitangaje vy'Imana. Abo bashitsi baratangaye cane. Baravuga batí:

"Ko turiko  
turabumva?"  
Abandi  
barabatwenga  
bavuga batí:  
"Baborewe  
umuvinyu  
utarasha."




Ariko Petero arababarira ati: "Ntibaborewe ... ibi ni  
ivyari vyaravuzwe n'umuvugishwa n'Imana Yoweli"  
Petero aca abibutsa ko imyaka myishi imbere yaho,  
Imana yari yarasezeranye  
ko Mpwemu Yera azoza  
guhezagira no gufasha  
abantu.



Petero abwira abantu ko bakwiye kwhiana ivyaha vyabo kandi bakabatizwa mw'izina rya Yesu. "Kandi muzoronka mpwemu yera." Abantu bashika hafi 3000 baramwumvira. Bifatanya n'abigishwa ba Yesu nk'abahimbaza Yesu. Uko umwanya wahera, abantu


beshi bagenda  
biyongera  
kw'ishengero,  
ryari ryatanguye  
k'umusi wo kuza  
kwa Mpwemu  
yera.



3000



Mpwemu yera azana ubushobozi  
bwiwe m'ubuzima bw'abantu  
b'Imana. Umusi umwe, Petero na  
Yohana bari bajanye mungoro  
y'Imana kw'isaha yo gusenga.  
Umuntu yavutse amugaye yari  
yicaye kw'umuryango w'iyo ngoro.  
Asaba amahera Petero na Yohana.






Petero aramubarira  
ati: "Ifeza n'inzahabu  
ntavyo mfise, ariko ico  
mfise ndakiguha.  
Mw'izina rya Yesu w'i  
nazareti, haguruka  
utambuke." Amufata  
ukuboko kw'i buryo,  
aramuhagurutsa. Ubwo  
nyene aca arahaguruka  
atangura gutambuka.  
Yinjirana nabo mungoro  
y'Imana, atambuka,  
yiterera hejuru kandi  
ahimbaza Imana.



Igugu rinini ry'abantu rirakorana, batangajwe n'ico gitangaza. Petero avuga ko ari ubushobozi bw'Imana, ariko atari ubushobozi bwabo bwakijije uwo muntu.




Petero amaze kwibutsa ko Imana yari yarazuye Yesu, abakuru b'ingoro y'Imana bafata Petero na Yohana babashira mw'ibohero.

Ariko abantu bashika 5000 bizera Yesu.



Bukeye bwaho, Petero na Yohana bari bahagaze imbere y'abatware b'abantu. Barababaza bat: "ni ububasha ki canke ni mw'izina rya nde mwakoze ivyo?" Maze Petero, yuzuye mpwemu yera aravuga ati: "Ni mw'izina rya Yesu w'i nazareti, uwo mwabamvye, Imana ikamuzura mubapfuye, ni kubwiwe uwo muntu aboneka yakize imbere yanyu."





Petero arabandanya atabwoba ati: "Ntarindi zina musi y'ijuru abantu bahawe baronkeramwo agakiza." Abafarisayo badashatse ko abantu bizera Yesu, bakubita cane Petero na Yohana.

Bababuza kuvuga mw'izina rya Yesu.





Petero yari  
yarigeze  
kwishura kubwa  
Yesu umusi  
umwe. Ariko  
hari imbere  
y'uko Mpwemu  
yera aza. Ariko  
ubu nta muntu  
n'umwe  
yashobora  
kumutera  
ubwoba.






Petero na  
Yohana  
barishura: "Mutu  
bwire nivyaba  
ari vyiza imbere  
y'Imana  
kwumvira  
mwebwe kuruta  
kwumvira  
Imana. Kuko  
tudashobora  
kureka kuvuga  
ivyo twabonye  
n'ivyo  
twumvise."



Bamaze  
gusubira  
kugirirwa nabi,  
Petero na Yohana  
barabarekura.  
Abakozi b'Imana  
b'abizigirwa  
biganira bagenzi  
babo ivyo babwiwe  
vyose. Maze baca  
baduza amajwi bose  
hamwe bashimira  
Imana. Ubushobozi  
bwa Mpwemu yera  
busubira kwiyerekana,



kandi ishengero  
ryari rikiriko  
riravuka  
rica riban-  
danya  
rigenda  
rikura.



Ukuvuka Kw'ishengero

Inkuru ivuye mw'Ijambo ry'Imana, Bibiliya

tuyisanga muri

Ivyakozwe n'intumwa 1-4

"Guhishurirwa amajambo yawe kuzana umuco,  
guha abatungu ubwenge." Zaburi 119:130






Iherezo

||

55



60



Iyi nkuru ya bibiliya itubwira kuvyerekeye Imana  
yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni urupfu ariko Imana iragukunda cane yarungitse umwana wayo w'ikinege, Yesu, gupfa ku musalaba kugira ahanwe kubw, ivyaha vyawe. Hama Yesu asubira kubaho aca agenda I muhira mw'ijuru. Niwizera Yesu ukamusaba aguharire ivyaha vyawe, azobikora. Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:  
Yesu mwiza, ndizera ko uri Imana, kandi wacitse umuntu ugapfa kubera ivyaha vyanje, hama ubu ukaba uri muzima. Rero ingo mu buggingo bwanje hama uharire ivyaha vyanje, kugira ngire ubugingo bushasha, hama umunsi umwe nze mbane na we ubugingo budashira. Mfasha kugira ndakwumvire kandi mbeho ku bwawe nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

